

欽定授時通考

五

欽定授時通考卷五十

勸課

本朝重農

御製詩文

聖祖仁皇帝御製

農桑論

嘗觀王政之本在乎農桑。虞舜之命棄曰：汝后稷播時百穀。禹之告舜也曰：政在養民，水火金木土穀惟脩。殷之考績羣辟，亦曰稼穡匪懈。周以農事問基，至成王之世，制禮作樂，典章明備，彬彬郁郁，然周公所作，曠史所歌，若陶風七月之篇，其道于耜耨趾采桑載績之事，反覆不置，何前後聖同一指歟？蓋農者所以食也，桑者所以衣也，農事傷則饑之原，女紅廢則寒之原，小民饑寒迫於身，而欲其稱仁慕義，有無不競，遵路會極，其勢不能。朕嘗躬行三推以率天下農矣，而敦實崇儉之令，繩督有司，靡不加意，宜乎薄海以內，襁負之衆，比肩於野，籽柚之聲，相聞於里，庶幾古初醇樸之風，乃遂末者未盡息，而錦繡纂組之文日盛也。中夜求治，怒焉慮之，孟子曰：菽粟如水火，而民焉有不仁旨哉！斯言使天下之民咸知貴五穀，尊布帛，服勤戒奢，力田孝悌，而又德以道之，教以匡之，禮以一之，樂以和之，將比戶可封，而躋斯世於仁壽之城，故曰農桑王政之本也。

稼說

朕嘗讀雅頌諸什，其時之公卿大夫士，罔不盡力於田畝，而其東作西成之景，至被諸管絃，升歌清廟，豈非以其事爲國之大務耶？間考其義，若生民之詩，萬夙豐草，是去稼之害也；甫田之詩，或耘或耔，是離稼之本也；良耜之詩，荼蓼朽斃，而黍稷茂，是厚稼之生也。其詳且盡若此。朕軫念農業，每巡省畿甸，時而春也，則觀其播種之函活，時而夏也，則觀其良苗之懷新，時而秋也，則觀其穀穗之穎栗，堅好用以親民，亦因假以自樂，非若周成之於幽風，徒得之驟誦而已。然竊計其自春而夏，而秋，寒暑遞遷，嗟我農人，其間芟薙之功，滋培之力，蘊崇之方，秉匪類而殖嘉禾，如詩人所云者，朝斯夕斯，不遑啟處，累閱月而穀乃告登，甚矣稼穡之艱，習焉而後知之也。雖然，世顧有耕而得餒者，原其初，非不時乃鍾，播乃種，而始勤終惰，污穢弗治，根莠弗剪，苗在草間，迄乎秋期，十無一獲，豈地

土之不宜天時之不善哉咎在害稼罔辨而養夫稼者未博其功也噫治稼之道可通於治天下矣

論井田

三代井田之法寓兵於農正易所謂容民蓄衆也自兵農既分勢難復合後世有欲於曠闢之壤倣古行井田之法者不惟無補於民正恐益滋煩擾天下事興一利不如去一弊之爲愈增一事不如省一事之爲得也古者田以井授人皆自耕其田故室家殷阜而鮮失業遊食之民後世富室之田跨連阡陌貧民代爲耕耨是以素無蓋藏一遇水旱遂致遊食四方流亡載道亦勢使然也

捕蝗說

嘗讀詩至大田之什曰去其螟螣及其蟊賊無害我田穉田祖有神秉畀炎火則知古人之惡害苗也甚矣註曰食心曰螟食葉曰螣食根曰蟊食節曰賊昔人又云此四蟲皆蝗也而實不同故分別釋之且蝗之種類最易蕃衍故其爲災在旬日之間夫水旱固所以害稼或遇其年禾稼被噬可冀有秋乃蝗且出而爲災飛則蔽天散則遍野所至食禾黍苗盡復移熒熒小民何以堪此古人欲弭其災爰有捕蝗之法朕軫念民食宵旰不忘每於歲冬卽布令民間令於隴畝之際先掘蝗種蓋是物也除之於遺種之時則易除之於生息之後則難除之於穉弱之時則易除之於長壯之後則難除之於跳躍之時則易除之於飛颺之後則難當冬而預掘蝗種所謂去惡務絕其本也至不能盡除而出土其初未能遠飛厥名曰蝻是當掘坑舉火以聚而驅之職之昔姚崇遣使捕蝗以詩人秉畀炎火之證爲証夜中設火火邊掘坑且焚且燔蓋祖詩人遺意也又晨興日未出時露氣沾濡翅溼而不能飛掘坑以驅之尤易爲力漢平帝時詔捕蝗者詣吏以斗石受錢朕區畫於衷務弭其害每歲命地方官吏督率農夫於冬則掘蝗蝻之種母俾遺育於土中或時而爲災則參用古法多方以撲滅之計其所捕多寡給錢以示勸賞古人有言曰螟蝗農夫得而殺之爲其害稼也以是觀之捕蝗之事由來舊矣但自古有治人無治法惟視力行何如耳苟奉行不力雖小災亦大爲民患朕故詳指其義爲說以示之

祈穀壇頌有序

嘗觀古之明王必嚴於敬天隆於尊祖誠於養人惟其敬天故饗帝尊祖故崇配養人故重農而上辛祈穀厥義備焉蓋陰陽順風雨調則歲谷不五穀成熟斯比戶可封然後寬刑簡賦導以禮樂躋之仁壽苟陰陽失序風雨

不時則五穀傷矣。五穀傷而民饑至矣。修桑盛而奉馨聞。將何藉焉。子肅將禋祀。每遇薦享大典。備極誠敬。期放乎格。蒼穹爲羣黎禔福。幸海內穡事。決歲順成。卽間遭微駁。而補助旋施。有秋洊至。豈非

上天粒我烝民。而點佑予一人以無疆之休哉。仰戴

帝慈。莫可名喻。聊摭感忱。作爲頌曰。

皇矣

帝仁覆萬國。靡物弗懷。鑒於有德。古聖聿修。昭事建極。元日殷薦。爰祈粒食。藐躬受命。精意以禮。大圻體方。郊丘象園。屋而大享。典禮均虔。外至必主。本祖本天。巍巍三聖。陟降攸格。盡志對越。百神其懌。曰潔豆籩。曰崇圭璧。匪祝一身。爲民請澤。惟

天鑒觀。愛我兆人。宜夏而夏。宜春而春。和風應節。甘雨司辰。災螟罔作。瑞穗含醇。豈止郊畿。式暨五服。酌酌疆理。何土不淑。疑疑黍稷。何產不熟。造化漸施。伊誰能育。啟鰥而耕。納稼而場。于耜于趾。我倉我箱。詎曰農夫。實予之慶。上下交裕。藉此豐積。民則不知。予敢忘賜。湛恩汪濊。頌思奕價。歲歲吉蠲。謁諛肆類。庶其眷之。永錫樂利。

知稼軒銘

史書大有。惟國之瑞。食爲民天。邦本所繫。西苑有廬。茅簷土砌。風雨攸除。桑柘翳翳。農祥乘春。南榮晨蒞。歲云秋矣。流火西次。於焉占星。以戒農事。物養於蒙。禾保於穉。驗其勾萌。在晦明際。雷雨甲拆。剛柔並試。灌漑爲仁。交雍爲義。二者不廢。類粟可冀。歲之歉穰。人力足視。儻遲其時。饑寒或遺。閱茲農夫。終歲勞瘁。在昔有邵。嘉種手藝。採入幽歛。咏及纖細。用銘斯軒。庶幾此志。

刈麥記

塞外地寒。最宜禾黍。邇來中外。家版圖萬里。朕避暑山莊。歷年已多。今百穀齊成。與內地相似。不過遲十數日而已。故種麥者頗蕃。山莊苑內。麥穀黍稻皆寓焉。從來稼穡之艱。不可不知。亦不可虛設。朕念切民依。痛癢一體。年近七旬。精力漸衰。扶杖而閱耕種臨畦。而觀刈穫。遇雨暘時若。則收割之際。蒼顏野老。共慶有秋。黃口稚子。無愁乏食。此朕一時之真樂也。五十四年夏六月小暑。乃苑中刈麥之候。薦新觀成。如雲表盛。晨氣暖風。秀漸標尚。遠聞各省麥秋相同。此目前之實景也。孔子云。吾不如老農。老圃。孟子云。從其大體。爲大人。從其小體。爲小人。農

夫足食則樂天下至廣兆民至衆天時之不齊地脉之不一吾之樂民有食也以目前之實景而且不能必其盡同又如此嗚呼豈如田野村夫憂樂止繫於身家而計慮不及於遠大乎故心之勞逸不可同日而語也大

春雨賦

神籥細縑化機和煦元氣上融醴膏下聚首五行者曰木潤萬物者曰雨于時養祇節青鳥司晨餘寒未散共火方新風輕颺以習習雲密布而鱗鱗垂九霄之嘉樹飛四野之甘津始觸石以吐液旋彌空而散澤初曳縷以吹絲繼緣霜而滴墀乍密還疎欲斷又續拂宇披檐把川注谷既磅礴而淋漓亦瀾漫而滲漉夏時之明澤流銅池之文穀木欣欣以向榮草萋萋而如沐若夫狙豕狙隄是養是穠陸麥漸秀田禾始茁廣地道之發育資土脉之沃饒雖沾體而塗足幸凝葉而濡條况乃濯漑神州澍注赤縣無遠弗屆靡幽不遠麗郊牧而歡呼陟寰瀛而舞忭慶玉燭之長調喜豐年之屢見夫惟天地之德廣大無私春生夏長雲行雨施寓栽培於無意普美利於不知植品物以咸若含經大而莫遺所以解澤旁皇湛恩深厚覆被民生惠鮮隴畝興有淪於三陽致仙露於千耦世並享夫豐亨俗咸登於仁壽洋洋乎造物之弘功予一人乎何有

桑賦并序

朕巡省浙西桑林被野天下絲縷之供皆在東南而蠶桑之盛惟此一區近在宮中刻爲耕織圖每示司牧使知其艱苦今史爲賦以託意焉

伊彼條桑其葉始茂春日載陽綠陰乃披紫陌上今嫋嫋綺岸側兮垂垂來壁旭之晨照受光風之千吹影映帶兮青翰色彷彿兮翠旗旣扶疎而相亞復低昂而參差念蠶事之欲動正芳候之如期幸茲女紅生計是賴采桑盈筐愔加覆蓋虞日照之少潤防雨頻之爲害儻薄蘆之不繼時憂心之旆旆虔飼食之維勤勞形神於塵塋摘曉露之輕滋乘良月之新萼望千畝之閒閒實蠶家之弘賚誠黼黻之必資繫表職之用大其重等於苗稼爲王政之不外予恒恐其難知作深宮之圖繪至夫厥貢著於尚書沃若詠於篇什公室見說於禮經牆下屢申於孟集試古訓之歷稽又民務之應急若乃詩爲神本騁以青華末照是晞甘樾如瓜馴雉表異黃鳥稱嘉雖景物之堪娛咸無關於大家夫其託幢幢之高蓋美亭亭之奇樹靈根依倚於十洲巨跡遂闢於周宇類齊諧之荒唐非予今日之所不取也聊因清晏簡牘是書用示遠邇是溉是鋤共知愛護種稔共慮蠶桑農穡安寶璫璣

時巡近郊憫農事有作

芳郊景物麗。淑氣扇暮春。靈雨應良節。光風薄嘉辰。省耕已屆候。風駕方來巡。前驅列式道。羽衛羅勾陳。時有田間子。荷耒披車塵。譏訶勿頻數。疾苦當咨詢。千耦幸終畝。二鬴猶懸囷。穗囊爾勤動。痾瘵予恩親。賜出泉府。拊循屬官臣。行潦有挹器。冽井無枯津。所惠良未徧。嗷嗷愧斯人。

夏旱步禱

南郊喜雨

歷春憫農勞。首夏望嘉穀。離畢月故遲。密雲去何速。顙穹闕膏澤。及此祈年風。齋居承穆清。中夜起白晝。繁星麗赤霄。雲漢光白燭。雞鳴開重闔。輿馬輟華轂。步禱升郊壇。祠官啟太祝。是時甘澍零。雷潤及拜伏。空蒙迫閭閻。噴薄驅海瀆。屏翳灑道迴。滲漉足裳服。麥隴應秀色。重穎欲在目。願惟歌屢豐。餘粟棲比屋。

秋日出郊觀稼

秋氣日寥迴。萬象皆蒼蒼。朝暾被渥露。草木含晶光。西成方屆候。農事將築場。於焉省斂獲。令典重百王。輕軒屏前置。鳳駕無嚴裝。郊原一以眺。煙樹紛成行。微風散深樾。清流抱迴塘。土脉秀且沃。車鬱相望新鎌粲。如月刈此溪雲黃。挹拾復何幸。遺秉滿道旁。鳥雀互翔集。婦子咸悅康。行將吹葦簫。報爾千斯箱。眷言三時勤。艱難詎可忘。茫茫視九壤。豈盡歌豐穰。二鬴苟不充。予饑怒如傷。幸茲樂有年。時若雨與暘。曷哉慎所麗。田功庶無荒。

喜雨詩十六韻并序

朕撫御天下。每以民生爲念。夙興夜寐。無時少懈也。歲在丁卯。自春涉夏。蘊隆少雨。日史增其麥秋期至。農事堪憂。傳曰龍見而雩。謂建巳之月。萬物始盛。待雨於天。今當雨不雨。或人事之未脩。朕躬之有過歟。亟命重臣。凡國計憂戚刑名錢穀。但有關於民者。再三講究。有言在京臣工鑄級過多。皆賜復還。可以致雨。以及戲館秧歌之細事。無不曲盡議論。迄於五月。憂心如焚。減膳撤樂。端居省過。將以明詔布告天下。思所以挽回天意。詔下旬有餘日。或膚雲方集。輒阻燥風。或微霖纔施。旋升杲日。昔人遇災而懼。側身脩行。欲銷去之。况茲不雨乎。朕以涼德。臨億兆之上。爲民之誠。天日可鑒。欲躬詣郊壇致祭。諸臣亦以爲請。因命禮官。諏吉

具儀齋戒肅穆步禱

上帝始齋之晚密雨濡潤祭之日雷雨交作白茲間日而雨徧四郊田野霑足朕先憂而飲食俱廢者爲民也既雨之後喜而舉手加額者亦爲民也今天不遺斯民禱而賜之雨使得不愧三公九卿之請朕之幸矣故賦喜雨詩以抒其懷

體國爲民事憂勤固在斯。驕陽春旣盛膏澤夏愆期。省刑書每下。請雨令頻施。雲未油然作。風偏颼颼吹。芄芃苗欲稿。細細草將萎。翹首瞻青漢。焦心對赤墀。園扉重舉滯。旃屢幾晴咨。齋祭祈神鑒。精誠只已知。誰云大最遠。於是聽能卑。默處敬居日。恭虔步禱時。微衷慙上格。大化喜潛移。霽霽滋南畝。飄灑徧九逵。髮驪陰陽協。滂沱渥澤垂。田家還自樂。朝野共吟詩。從此煩襟滌。由來百志熙。願同茲砥礪。參贊奉無私。

蜀江南道賦并序

江南屢年逋賦二百二十餘萬。逐歲帶征。聞吏民頗以爲累。朕志存約已。弘辭衣菲食之風。事期裕民。師挹彼注茲之義。特頒詔令。悉與蠲除。

國家財賦東南重。已責蠲租志念殷。膏澤何妨頻見渥。普天願與樂耕耘。

憂旱憶民事作

仲夏炎曛盛。德涼時未和。驕陽因六事。亢旱最三河。三河爲天下之中民以食爲重。天將風更多。憂勤難暇顧。惟誦憫

農歌。

菜畦

東南農事已春深。菜隴花開滿地金。獨愛小民勤力作。馬頭堪慰省方心。

桑林乍綠蠶事方興詩以嘉之

彌望桑林吐葉垂。枝嫩碧初勻。竹舍正殷蠶務。天工雨露維均。

暢春園觀稻時七月十一日也

七月紫芒五里香。近園遺種祝禎祥。炎方塞北皆稱瑞。稼穡天工樂歲穰。

靜明園喜雨

西山初夏玉泉清暮雨隨風滿鳳城四野皆霑比屋慶八荒盡望樂豐盈

片側桑葉初碧

來岸青青遶御舟濃桑初茁滿村謳省方遍問蠶家苦春雨連綿盡日憂

麥秋盈野志喜有序

歲次癸未夏至有事於方澤齋戒自暢春園進宮見麥氣盈秋田園茂盛雨暘得時稼穡有望從來北方雨澤豐陽清和之際每每難得皆因去冬陰雪連綿自春至夏未欠甘霖所以草木花果固不豐榮人心穀價固不和平故志喜而爲詠

去冬盈尺雪占年今夏脩脩麥隴全萬畝皆齊誕降數千家秀實已登阡先憂暘雨惟民疾後樂時豐紀玉牋志喜雕蟲晚學愧薰風南至影花甍

康熙四十二年夏秋間恆雨爲苗山左尤甚朕夙夜靡寧宵旰焦勞減膳撤樂坐不安席自冬至夏自夏至秋未嘗晷刻少安雖設法拯救幾乎難保幸四十三年二麥大熟秋成頗佳饑者未轉溝壑窮者皆得衣食實非朕之涼德所感賴上天之所鑒祐也故喜而不寐作長歌以示

璇璣玉衡齊七政祇懼德天眷命百志惟熙亮天工六府三事須主敬天地無私本至公人事有違失五正水旱從來不可測全賴有司勉安定癸未夏秋恆雨頻二麥秋禾皆沒淪州縣無策萬姓逃父子流離呼蒼旻秦疏紛紛連早夜手書的的察憂貧蠲賦蠲賑詔數下民食維艱豈不詢裁漕施惠恐不及遣官分養誠沾均人力雖盡惟時難唯天至仁不絕食甲申春夏風雨調麥隴脩脩衆喘息夏苗遍野雙穗多輿情頗解去菜色山左編氓聞且樂畿南黎庶喜而康從此休息須謹慎防災備患豈有傷閑邪存誠勉官吏清廉奉職守封疆民脂民膏供爾祿痛癢莫知悞籌量宗子家相同胞義勿使囊腔述職方

五月上旬避暑熱河塗中喜麥秋盈野雨暘得時賦七言一律

畏暑乘輿出鳳城麥秋預卜望庚晴千村共飽連年種井間歡比屋盈谷有靈泉山脈壯道無峻嶺馬蹄輕移風易俗先忠孝蕃息編氓在厚生

舟中觀耕種

四野春耕阡陌安徐牽密纒望河干土肥原係黃沙過

永定河反蓋之際遍地黃沙自治河之後得以耕種辛苦先年挽異瀾

五十五年正月十二癸卯立春是日風從東北而至景雲密布瑞雪鋪地至十三日未止書云立春與元日同

占乃收成之兆故喜民有足食之慶朕慰宵旰之憂賦五言排律以紀其事

問仗何嘗歇殷勤六十年歲華催短髮寸晷惜擔肩豐歉無推數平成在事先人安爲國瑞穀熟是民天斷斷陶甄

治思將法令獨雲濃春氣早風靜漏聲傳南陌銀花徧東郊繡壤連管絃喧里巷燈火接山川不爲私情擾寧航寶

饋延祇期民俗厚敢謂治功全禮讓傳家教詩書戒往愆翠煙籠畎畝泛泛潤桑田

去歲三冬有雪至三月間農忙之際二十七日夜雨竟夕喜而成詠

滋麥如酥雨空濛入土膏心同黎庶苦目盼紫壇高任器已知重安人寧避勞春愁暫且釋點點付揮毫

賦得麗麥

節遲穀雨後田麥始分畦已送花開盡難將春事稽純陽時序近餘潤化成齊未一陰晴適先期輯庶黎

小滿後偶旱塗中祈雨四月二十三日甘霖大霽

夙夜愁懷春夏間天時難信未怡顏平原晚麥纖莖槁四野新禾旱色殷乍起雲光連嶺岫先垂雨脚逼人寰共沾

甘澍數膏澤民食方知稼穡艱

題新安道上

滿目平川映遠空身形少健一衰翁社前荷鋤爭春暖隴畔扶犁趁晚風雨澤深邀天地德耕桑還賴指人功京南

每出同村更總得陽和一氣中

久旱無雨夙夜徬徨夏至前方得普霽

喜雨雖云快豈無久旱由望雲待旦起問夜數更愁霖霪偏稽候雷遲小滿風驟任作尤西成登穀後方慰懼農憂

豐登者朕之獲福歎收者朕之失政出此入彼不能自恕故作近體一律以自遣

喜雨人同我不然鰥鰥宵旰待豐年千村時若千村慶一日恆暘一日愆率土盈寧難並得普天恩澤豈兼全先憂

後樂何能遂衰景殘齡祇自憐

京中報到霖雨普霽

亢陽愁久旱。霖雨滿溝渠。倏忽枯枝潤。須臾卷葉舒。千村勤襦襖。萬頃促犁鋤。企望收成後。欣看穀穗書。

孟秋尾

臨觀稼恭紀

殿角微涼起。幽歌大火流。蓮房新壓粉。梧葉早驚秋。玉露滋芳甸。金風入畫樓。

聖心勤稼穡。躬自省西疇。

田家即事二首

沙磧高低禾黍盈。羣飛銅雀繞田鳴。竹弓蒿矢堪驅嚇。漫向黃雲試射聲。

其二

戊烽罷舉息征塵。肆力耕耘屬幸民。榆柳陰疎秋社近。綠邊笳鼓賽田神。

尾

駕觀麥

雨潤郊原奉豫遊。勤民

御輦向西疇。搖空翠浪沄沄起。覆隴黃雲冉冉浮。三白降穰占歲稔。兩岐擢秀應農謳。佇看比屋連枷動。擊壤聲中

麥有秋。

田家四時詞 六言

春

陌頭楊柳初放。溪上桃花欲燃。處處青鳩呼雨。家家黃犢耕煙。牧童羣嬉挑菜。餉婦自解撐船。借問浪遊城市。何如樂業村田。

夏

帶露葉盈蠶箔。翻雲麥熟田家。白水千塍秧馬。綠陰幾戶綠車。日午鳴蟬遠近。風薰飛燕橫斜。男女適均勞逸。相逢只說桑麻。

秋

風露微涼天氣。四鄉一派秋光。蕎吐東阡雪白。禾香南畝雲黃。青川園蔬足雨。紅收林實經霜。舉室欣逢樂歲。商量築園登場。

冬

霜滿炊煙茆舍。霏霏臘雪柴門。闌靜閒眠羔犢。籬牢安穩雞豚。夜織梭鳴啞軋。朝春杵韻喧繁。賽社爭搥祭鼓。歌呼新釀盈盆。

耕

茅屋疎籬翠萼。繞籬桑柘翳平田。村中斑白閒無事。隴上青黃喜有年。比戶機梭鳴月下。一家兒女聚燈前。那能更羨公侯貴。蟹美魚肥稻熟天。

耕織軒

軒亭開面面。原隰對時時。禾稼迎窗綠。桑麻宰地新。簷星窺織火。渠水界田畛。辛苦農蠶事。歌詩可繫胸。

菜園

鑿地新開圃。因川曲引泉。碧畦一雨過。青壤百蔬妍。潔愛沾晨露。鮮宜潤晚煙。倚亭閒佇覽。生意用忻然。

耕耜

農事惟邦本。先民履畝東。翠華臨廣陌。絲輓駕春風。禮備明神格。年期率土豐。勸耕時屢慮。敢爲惜勞躬。

三月三日得雨

三春淑氣動萌芽。膏雨知時四野皆。東作共看霑溉足。西成咸慶歲時諧。柔桑陌上青含秀。稊麥田間綠正佳。野覽霏霏飄灑意。眷予兆庶少抒懷。

耕耜詩有序

禮天子爲耜千畝。躬秉耒以耕。所以敬祀典。重農功。示先民也。稽之月令。每歲孟春。古帝王實從事焉。我聖祖冲齡踐祚。越十一載壬子。始行耕耜禮。夫耜以敬

天重農而

聖祖在位六十餘年。宵旰憂勤。靡時或釋。凡立心行政。蓋無刻而非實畏服事之誠。無事而非勞民勸相之實。也是以家給人足。時和年豐。而成長治久安之天下。朕繼統之六年甲辰春。既率屬僚。躬耕南郊。今歲乙巳。復舉行焉。是日也。靈雨既零。春陽初霽。履我阡陌。秉耒耜。三推禮成。兆庶歡洽。傳曰。先之勞之。又曰。無倦斯典也。朕非欲爲一時之盛觀。亦非欲博千載之美名。况大典非炫耳目之具。而飾名之事。又朕素所弗爲。惟是祇承

聖祖重農家法。率吾民敦崇本務。而與臣工敬勤無倦。以庶幾康阜之成俗也。并紀以詩。

蒼駟千官引。乘時事耜田。從來重稼穡。何敢惜勞先。履畝迎膏發。羣公繼耦聯。所祈同億兆。歲歲介豐年。

耕耜

無逸農功重。幽風耜事先。方春勤風駕。乘令爲親田。夾隴千官肅。扶犁百辟聯。禮成終畝後。父老慶豐年。

喜雪

夙夜期瓊屑。三冬日見晴。省修求直諫。祈禱秉精誠。瑞雪春時降。彤庭喜氣盈。

蒼旻仁愛普。億兆荷生成。

朕因去冬未雪。憂懷莫釋。風夜竭誠祈禱於蒼旻。後二日荷蒙

上天鑒佑。春雪下降。朝野同歡。因成一律。用誌欣慶。

嚴霖愆期憂歲儉。臨軒愁詠憫農歌。三冬望雪心如渴。此日飛霏氣始和。

蒼旻垂慈施愷澤。黔黎有幸沐恩波。遙思九土應同慶。積素凝華知幾多。

多稼軒勸農詩

夜來新雨過。畿甸綠平鋪。克盡農桑力。方無饑凍虞。露篴攜織婦。麥飯飽田夫。坐對春光晚。催耕聽鳥呼。



欽定授時通考卷五十一

勸課

本朝重農

御製詩文二

皇上御製

豐澤園記

西苑宮室皆因元明舊址。惟豐澤園爲康熙間新建之所。自勤政殿正行。過小屋數間。蓋

皇祖養蠶處也。復西行。歷稻畦數畝。折而北。則爲豐澤園。園內殿宇制度惟朴。不尚華麗。園後種桑數十株。聞之老監

皇祖萬幾餘暇。則於此勸課農桑。或

親御耒耜。逮我

皇父繼承不業。敬

天注

祖世德作求。數年以來。屢行

親耕之禮。皆預演禮於此。乃知

聖聖同規。敦本重農。用躋天下於熙皞之盛。若瀛臺之建於有明。飛閣丹樓。輝煌金碧。較之此園。固爲笑觀。而極土木之

功。無益於國計民生。識者鄙之。行一事而合於天心。建一園而洽於民情。身率先而天下不覺。吾於是乎知

皇祖

皇父之爲首出之聖也

田字房記

流杯亭之西南。有田字房焉。丁未四月十八日。

皇父萬幾之暇。燕接親藩。遊豫於此。是地也。西山遠帶。碧沼前流。每當盛夏。開窗則四面風至。不復知暑。其北則稻田

數畝嘉禾生香藹聞於室蓋我

皇父重農之心雖於燕閒遊觀之所亦未嘗頃刻忘也古昔聖王臨朝視政之暇必有怡情娛覽之地故靈臺之詩美文王也卷阿之詩頌成王也今田字房所以命意重農者豈徒怡情娛覽已哉至若黛掃山顛風來蘋末麥畦浪起柳岸煙開馴鶴從容而起舞文駕匹偶而泳遊蝶裁五色之文蜂喧萬花之谷物華景麗則思飲和食德熙養於光天化日之下而怡然以樂其或涼颺四起鴻雁來賓白露如珠綠雲收赤千家之砧杵遙聞百室之倉箱盡實則思遺秉滯穗誰遺寡婦之利而悄然以憂時引儒臣坐而論道或率諸王公子弟修家人之禮講燕好之歡所觸目而會心者我皇父之同憂同樂憩息於斯較之靈臺卷阿意更深長矣謹爲之記

時應宮記

夫天一生水坎精發祥凝靈聚液流爲江海江海乃天地間物之最鉅者也江海之有神自三代漢唐以來莫不祠祀惟謹有宋大觀四年詔天下五龍神並封王爵龍神之尊自是始厥後春秋犧牲之祀代有常典

皇清受

天命禮祀

上帝

后土懷柔百神江淮河濟五岳四瀆之祀載在太常犧幣之數俎豆之器既豐既隆神歆以格雍正二年天子以爲龍神之位既尊宜特修宮觀以致虔禱乃於西苑內豐澤園北建時應宮所以致誠明神俾雨暘時若稼穡以成者也夏六月霖雨彌旬幾至於溢

皇父步行往禱其日即晴又明年黃河清百餘里此非神人効靈河海清晏之明驗乎夫以天子精誠通於神明以之事

天饗

帝罔不昭格而况於龍神乎信哉誠之能感物也是爲記

耕藉賦并序

皇上御宇之五年青帝司方之二月春風普扇陽德方亨

天子乃耕於千畝之田禮也臣開聖王務本耕藉以勸農功明主孝親親推以供祀事我

皇上孝以事

親勤以率民二載甲辰既耕加一茲又躬行耕藉之禮急桑盛重民食致誠匪懈其典則隆洪惟我

皇上道洽天人化霜草木誕敷文德廣運聖謨渥澤周於羣生至治昭乎天壤乃猶頻興重農之典時勤保介之咨追厥唐虞播種之踪爲彼率土民人之勸萬衆觀儀上農終畝追厥秋成登於天廩薦之

皇天供於

祖考臣知

皇天

祖考鑒

皇上之精誠歆

皇上之大孝必錫嘏降祉永保無疆明德惟馨聿懷多福

臣不勝踴躍懼忤之至謹拜手稽首而獻賦曰

繫維重華之命稷兮播穀實繼乎禹功必蒸民之粒食兮始風動而時雍親耕肇於姬籍今意往聖之皆同我大君之首出兮屢三推以勸農豈玉食之是享兮惟簞簋之虔供

秉耒耜以率先兮符澤物之元功於是春陽初布青帝司方嘉萬物之昭蘇值千卉之勾萌農祥既見土脈方昌協風應律陽氣滋彰

皇帝乃順月令撫嘉辰念民力飭甸人當前期而致敬用有事於青春於焉載師清畿封人淨路常伯獻儀掌舍設楹爾乃青壇蔚其聳立華草森其崔嵬雲移翠幕柳拂青幃啟千畦之平壤欣四塗之腴肥逮夫元辰既屆曉色方鮮

天子則御藻見佩蒼琬被龍袞鳴和鸞載青旂揚朱旆接游車之麟麟施梁駟之莢莢爾乃稷宮將近樂具班陳

天子乃降御輦饗農神所嘉穀焚燎薪禮成而退有事藉田衣被襍褻趾履陌阡王侯衛後虎賁導前太僕秉轡牽牛奉鞭乃歷廣場撫御耜執靡手底不辭瘁乎三推載耒御間試躬親乎千畝王公卿貳或五或九白叟黃童歌呼奔

走維誠敬之率。知樂愷之孔厚。於是黛耜方輟。紺轅遂旋。雨廉纖以潤。風縹緲而淨天。侍從偕來。睹天顏之有喜。馨香上達。卜慶兆於豐年。夫元鳳下親耕之詔。永平垂開耜之篇。魏主望公田而發趾。晉帝帥羣后以祀先。尚傳爲古今之盛事。並書之史冊而爛然。况乎我

皇至仁大知。既事治而府修。亦成天而平地。修稼穡以勤民。謹神倉而歲事。所無逸以知艱。重明粢而將祭。三春暖兮播百穀。四野寧兮進雙穗也哉。乃爲之歌曰。田之興兮。稷之功。澤萬物兮。助鴻濛。我

皇展事兮。千耦其同。和協天人兮。一哉。

皇既耕既耨兮。我稼其豐。爰播爰植兮。麻麥懷懷。又歌曰。思樂甸畿。千頃其耦。大輅載臨。

躬耕其畝。登於秋廩。斯箱斯倉。薦之宗廟。供之明堂。神之格思。綏祉無疆。

一人有慶。永其萬邦。

### 喜雨賦

客有駕輪軒。乘雲輅。展輪於南畝。縱轡於東郊。遠遊客與。徘徊逍遙。爾乃白雲起乎空谷。甘霖降於崇朝。震雷燿燿。飛電燎燎。乃往田舍而息焉。有二三人。遠巡而前曰。斯雨之降。時則時矣。膏澤之濡。普而施矣。抑誰之功乎。請吾子明言以告之。客奮袂而起曰。猗歟休哉。盛世之民也。飲其德而不知其力。坐。吾明語子。方今龍飛九五。聖人在位。德配乾坤。功參天地。精誠通於神明。政教化乎萬類。故上天眷命。俾雨暘時若。而萬方以治。乃致含哺鼓腹。耕田鑿井者。實不知帝力之賜也。老人曰。聖人之德。某既知之矣。請吾子賦雨之澤。及蒼生者可乎。客曰。若夫金烏收景。層陰蔽空。雷殷殷以振響。電灼灼以搖紅。鼓河伯之驚濤。涌海若之幽宮。渴天池之巨浸。走萬里之長虹。遠迷三島。近失千峰。迴生意於東卉。消渴望於三農。此則雨之方作。而其勢最雄也。乃其雲開雨止。霽景澄鮮。山宛宛其染翠。木蒼蒼其逞妍。鳥嚶嚶其鳴。樹草芊芊其含烟。柳暗歸鴉。鶯喧乾鵲。槐影濃兮。氣宇清。花陰轉兮。簾櫳薄。纖歌動兮。高樓紅袖飄兮。綺閣細快開兮。芸編博山焚兮。繡幕莫不欣膏澤之滂澍。喜霽聲之頻落。此又雨之既足。而萬方共樂者也。至若烏犍耕白水之涯。黔黎藝綠野之畝。白叟歡呼。黃童奔走。上脉既滋。今禾黍如雲。灌溉不勞。今田疇以阜。